

民勤縣志

(全)

中國方志叢書·華北地方·第三三八號

據

馬福祥等主修·王之臣等纂修
民國 手抄本

影印

甘肅省

民勤縣志

(全)

成文出版社有限公司印行

民勤縣志修志姓氏

主修

一等大綬

文虎
嘉禾

章陸軍上將銜勳一位民國十

五年任甘肅西北等處边防會辦馬福祥

二等大綬

文虎
嘉禾

章上大夫銜朔方道尹陳必淮

監修

二等大綬

文虎
嘉禾

章陸軍中將勳四位甘肅鎮守

使馬鴻賓

纂修

五等金質卑鶴章民勤縣知事王之臣

同纂修

清寧夏駐防協領鎮守使書記官景琪
清貢生師範學校兼中學校長徐宗孺

民勤縣志目錄

地理志

星野

沿革

疆域畝說

里至

山川

村社

戶口
保甲附

田畝

賦則

物產

鱗介類

虫類

水利畝說

橋梁井泉

古蹟

祥異

建置志

穀類

草類

蔬類

薪類

瓜類

藥類

菓類

禽類

木類

獸類

花類

城郭

公署

壇壝

學校

驛傳

寺觀

風俗志

士農工商執業

冠婚喪祭賓師歲時伏臘禮儀

番彙

廻類

仙釋

官師志

官秩

名宦

兵防志

營堡

關隘

烽墩

軍制

馬匹戎器

糧餉

人物志

鄉賢

忠義

孝友

節烈

選舉

隱逸耆壽

文藝志

議疏

碑記

詩歌

民勤縣志目錄終

地里志

星野

禹貢黑水西河推雍州天文井鬼分野天文志
云武威在壁六度又涼州入箕十度

沿革

民勤在古雍州域中春秋戰國時為西戎地秦
末漢初為匈奴地漢武帝開邊立河西五郡
築休屠縣建北部都尉屬武威郡東漢因武帝
之舊晉時為五涼屬地五代為北魏所據唐郭

震為涼州都督築白亭軍天寶末陷於吐番宋
為夏元昊所據元為小河灘元李惟存空城明
洪武二十九年設衛改名鎮番轄左右中三所
隸陝西行都司設文武官職永樂三年設驛遞
成化三年設倉場十一年開學十二年建儒學
及陰醫僧司

國朝雍正三年改縣民國因之

民勤疆域圖說

民勤民涼之東北境歷代皆屬涼地自明設衛
建官置吏編戶分屯始立疆域就境內形勢言
之東西北三面皆邊相距各二十里許沿邊烽
燧綦布越五里而相延惟南至武鎮界三公堡
百四十里直計則廣而東西兩邊一自武威之
高溝堡起一自永昌之寧遠堡起迤邐斜抵俱
至本縣之紅崖堡東西橫計不過數里中無四
山之阻形如鋪簞所云幅員狹隘最爾一隅者

也若括境外之之勢論地處極邊無鄰封接壤
夷虜環列胡笳四集雖貌茲一城實涼州之外
藩東邊外與寧夏口外沙河連界六百餘里平
沙無限並無居民舊設烽燧一十二座脈絡相
連捍衛內地東南邊外五里許外河環繞亦僅
里許蘇山屏立迤東為青山山形最小又東南
二十里山曰阿剌骨舊稱漢番要地寇盜巢穴
爰設隘口於山西南隅貫以烽燧四座較蘇山
為嚴焉縣南三十里為境內之青松堡明因夷

虜出沒設防立墩又南六十里為境內之黑山
堡東隣阿剌骨口西通永昌董鄭等堡夷虜出
沒勢極衝要明設立驛傳並防守官兵烽燧戒
嚴時相馳禦視青松堡尤要矣又南百里為境
內之重興堡又西南二十里曰蔡旗堡二堡居
黑山上游警互策援明俱設防守官兵烽燧相
連以備郊急而今蔡旗堡猶分都司鎮馬其他
東安南樂沙山陳梅等堡俱不若數堡之要西
南邊外數里許紅崖環拱其險可恃昔嘗堵拒

彝虜於此烽燧羅列與黑山相埒西邊外與永
昌寧遠堡北境外連界計里二百有奇草地盤
斜土山孤起舊為夷人宿牧之區邊外設立烽
燧七座號曰廣漠西北邊外五十里來伏聳峙
為西北之障烽燧六座山東北有古城連成三
角諸城相連並立迤西百里許悉夷人部落形
勢空懸無関河之限有蹂躪之憂舊設三城控
制良有以也北邊外烽燧九座計二百里許則
亦不喇山陡突峻嶒綿亘數十里山北夷類錯

居舊多猖獗形勢之險不亞西北其東北境內
之紅沙堡逼近東邊勢極衝要明設官防守邊
外烽燧相望計六十里狼跑泉山又二十里抹
山東北三十里槍杆嶺山三山鼎立皆夷人出
沒之地故抹山舊有隘口東北百餘里界以白
海左有白亭軍隘口資其扼要夫前代多方建
置今則惟蔡旗堡與民勤城設有兵弁驛傳為
舖抹山為田蓋惟中外一統邊境寧謐無資捍
衛也然書有之中函郊圻慎固封守民勤壤接